

Headline	Pampasan RM1.1 juta telah dibayar - TNB		
MediaTitle	Utusan Malaysia		
Date	05 Sep 2018	Language	Malay
Circulation	112,050	Readership	336,150
Section	Dlm Negeri	Page No	22
ArticleSize	192 cm²	Journalist	N/A
PR Value	RM 11,384		



Pampasan RM1.1 juta telah dibayar – TNB

JEMPOL 4 Sept. – Pampasan berjumlah RM1.1 juta bagi pengambilan tanah di Felda Raja Alias 2 di sini untuk projek pembinaan talian penghantaran dari Pencawang Masuk Utama Yong Peng ke Lenggeng, telah dibayar oleh Tenaga Nasional Berhad (TNB) pada 2015.

Syarikat itu dalam satu kenyataan berkata, pembayaran dibuat di atas nama Mahkamah Tinggi Seremban sementara pihak Felda menyelesaikan proses pembahagian kawasan berkenaan kepada lot-lot kecil mengikut kepentingan setiap peneroka.

Jelasnya, ini berikutan ka-

MAKLUM BALAS

wasan yang terlibat dengan projek itu berstatus Rancangan Tanah Berkelompok yang melibatkan beberapa peneroka.

Ujarnya, mengikut prosedur Akta Pengambilanbalik Tanah (APT), peneroka boleh menuntut pampasan itu daripada mahkamah setelah pemilikan sah setiap bahagian tanah mereka diperolehi.

“Untuk makluman, seperti yang diputuskan oleh Pejabat Tanah Daerah (PTD) Jempol,

pihak TNB telah pun membayar kesemua tuntutan pampasan pengambilan tanah di Felda Raja Alias 2.

“Isu timbul apabila peneroka masih belum menerima pampasan sedangkan kerja pembinaan telah dijalankan di tanah yang telah diambil oleh kerajaan negeri,” katanya di sini.

Kenyataan itu bagi menjawab dakwaan kumpulan peneroka di Felda Raja Alias 2 yang mengadakan demonstrasi baru-baru ini dan mendakwa pampasan bagi pengambilan tanah mereka masih belum dibayar oleh pihak berkenaan.

Menurut TNB lagi, bagi mem-

percepatkan penyelesaian isu pampasan tersebut, PTD Jempol baru-baru ini telah membuat keputusan agar TNB melaksanakan semula APT ke atas lot-lot tanah berkenaan.

Katanya, bagaimanapun ia hanya boleh dimulakan apabila ukuran oleh Jabatan Ukur dan Pemetaan (Jupem) telah dimuktamadkan.

Ujarnya, pihak TNB dan PTD Jempol, Felda dan Jupem telah mengadakan perjumpaan dengan peneroka terbabit bagi menjelaskan latar belakang isu berkenaan dan mengenal pasti sempadan lot tanah masing-masing.